



BENEDICTIO AQUAE BAPTISMALIS EXTRA VIGILIAM PASCHALEM

CUM AQUA CONSECRATA NON HABETUR

Primum lavatur et mundatur vas Baptisterii, deinde limpida aqua repletur. Tum sacerdos cum suis clericis, vel etiam aliis presbyteris, cruce et duobus cereis præcedentibus, ac thuribulo et incenso, et cum vasculis Chrismatis, et Olei Catechumenorum accedit ad Fontem, et ibi, vel ante altare Baptisterii, dicit Litanias ordinarias, vel breviores ut in Missali in Solemni Vigilia Paschali, quæ ita habentur:

Kyrie, eléison.

Christe, eléison.

Kyrie, eléison.

Christe, audi nos.

Christe, exáudi nos.

Pater de cælis Deus, miserére nobis.

Fili Redemptor mundi Deus, miserére nobis.

Spiritus Sancte Deus, miserére nobis.

Sancta Trinitas unus Deus, miserére nobis.

Sancta María, ora pro nobis.

Sancta Dei Génitrix, ora.

Sancta Virgo vírginum, ora.

Sancte Michaël, ora.

Sancte Gábríel, ora.

Sancte Ráphaël, ora.

Omnes sancti Angeli et Archángeli, oráte pro nobis.

Omnes sancti beatórum Spirítuum órdenes, oráte pro nobis.

Sancte Ioánnes Baptísta, ora.

Sancte Ioseph, ora.

Omnes sancti Patriárchæ et Prophétæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Ioánnes, ora.

Omnes sancti Apóstoli et Evangelístæ, oráte pro nobis.

Omnes sancti Discípuli Dómini, oráte pro nobis.

Sancte Stéphane, ora.

Sancte Laurénti, ora.

Sancte Vincénti, ora.

Omnes sancti Mártýres, oráte.

Sancte Silvéster, ora.

Sancte Gregóri, ora.

Sancte Augustíne, ora.

Omnes sancti Pontífices et Confessóres, oráte pro nobis.

Omnes sancti Doctóres, oráte.

Sancte Antóni, ora.

Sancte Benedícite, ora.

Sancte Dóminice, ora.

Sancte Francísce, ora.

Omnes sancti Sacerdótes et Levítæ, oráte pro nobis.

Omnes sancti Mónachi et Eremítæ, oráte pro nobis.

Sancta María Magdaléna, ora.

Sancta Agnes, ora.

Sancta Cæcília, ora.

Sancta Agatha, ora.

Sancta Anastásia, ora.

Omnes sanctæ Vírgines et Víduæ, oráte pro nobis.

Omnes Sancti et Sanctæ Dei, intercédite pro nobis.

Propítius esto, parce nobis, Dómine.

Propítius esto, exáudi nos, Dómine.

Ab omni malo, libera nos, Dómine.

Ab omni peccáto, libera.

A morte perpétua, libera.

Per mystérium sanctæ incarnationis tuæ, libera.

Per advéntum tuum, libera.

Per nativitátem tuam, libera.

Per baptísmum, et sanctum ieiúnium tuum, libera.

Per crucem, et passiónem tuam, libera.

Per mortem, et sepultúram tuam, libera.

Per sanctam resurrectionem tuam, libera.

Per admirábilem ascensiónem tuam, libera.

Per advéntum Spíritus Sancti Parácliti, libera.

In die iudícii, libera nos Dómine.

Peccatóres, te rogámus, audi nos.

Ut nobis parcas, te rogámus, audi nos.

Ut Ecclesiám tuam sanctam régere, et conserváre dignéris, te rogámus, audi nos.

Ut domnum apostólicum, et omnes ecclesiásticos órdenes in sancta religióne conserváre dignéris, te rogámus, audi nos.

Ut inimícos sanctæ Ecclesiæ humiliáre dignéris, te rogámus.

Ut régibus et princípibus christiánis pacem, et veram concórdiam donáre dignéris, te rogámus.

Ut nosmetípsos in tuo sancto servítio confortáre, et conserváre dignéris, te rogámus.

Ut ómnibus benefactoribus nostris sempitérna bona retríbuas, te rogámus.

Ut fructus terræ dare, et conserváre dignéris, te rogámus.

Ut ómnibus fidélibus defúntis réquiem ætérnam donáre dignéris, te rogámus.

Ut fontem istum ad regenerándam tibi novam prolem bene ✠ dícere, et conse ✠ cráre dignéris, te rogámus. (Et bis dicitur hic versus).

Ut nos exaudire dignéris, te rogámus.

Agnus Dei, qui tollis peccáta mundi, parce nobis, Dómine.

Agnus Dei, qui tollis peccáta mundi, exáudi nos, Dómine.

Agnus Dei, qui tollis peccáta mundi, miserére nobis.

Christe, audi nos.

Christe, exáudi nos.

Kyrie, eléison.

Christe, eléison.

Kyrie, eléison.

Dicto autem ultimo Kyrie, eléison, Sacerdos dicit: Pater noster et Credo in Deum, etc. (pp. 17, 16).

omnia clara voce: quibus finitis dicit:

Y. Apud te, Dómine, est fons vitæ.

R. Et in lúmine tuo vidébimus lumen.

Y. Dómine, exáudi orationem meam.

R. Et clamor meus ad te véniat.

Y. Dóminus vobíscum.

R. Et cum spíritu tuo.

Orémus

Omnípotens sempitérne Deus, adesto magnæ pietátis tuæ mystériis, adesto sacraméntis: et ad recreándos novos pópulos, quos tibi fons Baptísmatis párturit, spíritum adoptiónis emítte; ut, quod nostræ humilitátis geréndum est minis-terio, virtútis tuæ impleátur efféctu. Per Dóminum nostrum Iesum Christum Fílium tuum, qui tecum vivit, et regnat in unitáte Spíritus Sancti Deus, per ómnia sæcula sæculórum.

R. Amen.

Exorcismus aquæ

Exorcízo te, creatúra aquæ, per Deum ✠ vivum, per Deum ✠ verum, per Deum ✠ sanctum, per Deum, qui te in principio verbo separávit ab árida: cuius Spíritus super te ferebátur, qui te de paradíso manáre iussit.

Hic manu aquam dividit, et deinde effundit eam extra marginem Fontis, versus quatuor mundi partes, prosequens:

Et in quátuor flumínibus totam terram rigáre præcépit: qui te in desérto amáram per lignum, dulcem fecit atque potábilem; qui te de petra prodúxit, ut pópulum, quem ex Ægypto liberáverat, siti fatigátum recreáret. Exorcízo te per Iesum Christum, Fílium eius únicum, Dóminum nostrum, qui te in Cana Galilææ signo admirábili sua poténtia convértit in vinum: qui super te pédibus ambulávit, et a Ioánnē in Iordáne in te baptizátus est. Qui te una cum ságuine de látere suo prodúxit: et discípulis suis iussit, ut credéntes baptizárent in te, dicens: Ite, docéte omnes gentes, baptizántes eos in nómine Patris et Fílii, et Spíritus Sancti; ut efficiáris aqua sancta, aqua benedícta, aqua, quæ lavat sordes, et mundat peccáta. Tibi igitur præcípio, omnis spíritus immúnde, omne phantásma, omne mendácium, eradicáre, et effugáre ab hac creatúra aquæ, ut qui in ipsa baptizándi erunt, fiat eis fons aquæ salientis in vitam ætérnam, regénerans eos Deo Patri, et Fílio, et Spíritui Sancto, in nomine eiúsdem Dómini nostri Iesu Christi, qui ventúrus est iudicáre vivos, et mórtuos, et sæculum per ignem.

R. Amen.

Orémus

Dómine, sancte Pater, omnipotens ætérne Deus, aquarum spirituálíum sanctificátor, te suppliciter deprecámur: ut ad hoc ministérium humilitátis nostræ respícere dignéris, et super has aquas, abluéndis et purificándis homínibus præparátas, Angelum sanctitátis emíttas, quo, peccátis vitæ prióris ablútis, reatúque detérso, purum Sancto Spíritui habitáculum regeneráti éffici mereántur. Per Dóminum nostrum Iesum Christum Fílium tuum, qui tecum vivit et regnat, in unitáte eiusdem Spíritus Sancti Deus, per ómnia sácula sæculórum.

R. Amen.

Tunc sufflat ter in aquam versus tres partes secundum hanc figuram Ψ ; deinde imponit incensum in thuribulo, et Fontem incensat. Postea infundens de Oleo Catechumenorum in aquam in modum Crucis, clara voce dicit:

Sanctificétur, et fecundétur fons iste Óleo salutis renascéntibus ex eo in vitam ætérnam, in nómine Pa $\times$ tris, et Fí $\times$ lii, et Spíritus $\times$ Sancti.

R. Amen.

Deinde infundit de Chrismate, modo quo supra, dicens:

Infúsió Chrísmatis Dómini nostri Iesu Christi, et Spíritus Sancti Parácliti, fiat in nómine sanctæ Trinitátis.

R. Amen.

Postea accipit ambas ampullas dicti Olei sancti et Chrísmatis, et de utroque simul in modum crucis infundendo, dicit:

Commíxtio Chrísmatis sanctificatiónis, et Olei unctiónis, et aquæ Baptísmatis páriter fiat in nómine Pa $\times$ tris, et Fí $\times$ lii, et Spíritus $\times$ Sancti.
R. Amen.

Tum, depositis ampullis, dextera manu Oleum sanctum, et Chisma infusum miscet cum aqua et spargit per totum Fontem. Deinde medulla panis manum tergit; et si quis baptizandus sit, eum baptizat. Quod si neminem baptizet, statim manus abluat, et ablutio effundatur in sacrarium.